

四庫全書

集部

欽定四庫全書

祠部集卷五

宋 強至 撰

五言律詩

北都春日

日出車馬道風來城市塵關河應自昔花草不知春雲
靜鳥翻翼冰消魚動鱗太平無一事把酒勸耕民

出大名府北郭

驅車出近郭野色感年華
河靜水猶凍地寒林未花
細風吹斷柳殘雪隱虛沙
鄉思東南闊歸飛羨暮鴉

馬上口占

出郭塵埃少驅車節物便
歸心忘澤國病眼豁霜天
鳥雀飛荒圃牛羊卧晚田
吟邊搖落意踈木起孤烟

二月過半猶未見花
昨日逢之珍云已有小桃
因成短句

不覺春過半開花始見桃
年光雙鳥翼世事一鴻毛
有

興撫清景將愁付濁醪
家林應爛漫南望首空搔

偶書呈公勝

朔吹朝還暮繁雲凝復開
不能成雪意只解作寒媒
薄宦家千里長吟酒一杯
西鄰鄭夫子乘興幾時來

走筆送楊正臣先輩還吳

客衣沾魏土歸馬望吳雲
一紀困游宦異鄉愁送君
驪行得路鴻鴈去成羣

歸省元昆

何日江天酒重論別後文

居魏歲餘未嘗見江鄉
故人今無悔如雄過此相

見甚喜席間率成短篇呈之

經年大河北終日故鄉心入耳欣吳語開懷慰越吟天
寒裘領薄日暮酒盃深早晚論邊策長纓試請擒

新秋夜月寄故人

客心宜靜夜月色澹新秋影落三湘水詩傳八詠樓何
窮對酒望幾處捲簾愁若問相思意隨君萬里遊

依韻和留臺崔庫部局中自遣

儒林文雅作蕭散欲揮金老去安時態秋來慰夙心誰

陪黃菊酒自喜白頭吟賓客霜臺少詩成每獨斟

自零口夜至渭南縣作

月黑征途暗羸駒傍險行村遙微認火縣近忽聞更落
窴殊鄉意喧啾小市聲故園流水在想像見冰清

婦翁嘗宰

此邑作渠引水以
溉民田今享其利

送長安僉判鮮于子駿還闕

相望蜀父老應嫌馬遲三冬辭幕府千里走京師富
貴那能滯文章自有知關山含雪意別酒對秦姬

長安春日

白入雙吟鬢，衰侵一病身。
年光不貸老，春色似欺人。
鳥破日邊霧，花飄風外塵。
還將感時淚，對酒灑咸秦。

題光和年西嶽碑

瘦硬光和字，崔巍太華碑。
鐫模森骨立，點畫宛鱗差。
內有通神筆，前無絕妙辭。
茅齋千載後，玩古獨心知。

唐賢嶽廟題名

華嶽金天廟唐賢石闕題姓名，留篆刻冠劍落耕犁字。

體諸家襍函封數驛齋幾行猶壯觀丞相討淮西

裴晉公征

淮西與將佐西下皆題名石上

斷碑

何代經兵火終年委雪霜文章誰黑白首尾自參商
琬琰淪翠塵沙漸變黃人生異堅石撫汝重蒼茫

依韻奉和經畧司徒侍中上巳會興慶池

千載蘭亭後風流宛目前竹昏煙冉冉花泣露漣漣筆

落詩推將孟行酒有仙水邊佳麗少春草謾芊綿

杜工部有

三月三日天氣新長
安水邊多麗人之句

小閣西山落日

天地垂垂暮殘陽似有情未催金嶺暗猶放半山明
遠樹微茫見孤煙慘澹生流年從此老對酒急須傾

翻經臺

失道從僧指窮高聽鳥呼千山四迴抱一徑百盤紆
人事空今昔臺基僅有無吟邊嵐氣夕落日伴猿狐

題華臧環峯閣

精藍已塵外飛閣更雲端只見蒼山合寧知紫宙寬客
游追汗漫詩思等噴坑大士安禪後何人此倚欄

羽師院假山

累石作危峯軒然曲沼中山形在眉睫人意自衡嵩影
駭魚蝦避路疑猿鳥通宦途尤巧險匠手莫言工

京兆府初赴同天節宴詩

四月薰風轉三天瑞景舒歌從歸啓後壽起祝堯初詩
喜南山對身甘北闕踈九韶音未作朝野自懽如

五帝今云六君王合萬年日長遲漏水風細駐爐烟想
像聯朝珮歡呼捧御筵喜深恩更遠不竭似秦川

哭王仲密四首

相逢初北闕並試復南宮失意春風裏謀歸汴水東行
藏他日異笑語此生空不掛青雲籍聲名野史中

羣居三益友再拜十年兄一別長南北相逢遂死生淚
流添渭水心折注江城聞訃悲尤劇書成僕未行

予將遣僕

持親朋書南去而君書在焉忽聞其訃

塲屋行遲暮田廬卧寂寥壯圖藏翰墨高行落漁樵會
哭諸朋盛銜哀一奠遙繫舟江岸絕愁望定山潮
多金空舊產短褐盡平生蒿里閔春色桐江流哭聲人
憐天不與婦少子猶嬰如有山濤在應忘顧後情

依韻和酬鮮于子駿郎中見寄

昨在王公幕同時輒仰攀論情昆弟等知己友朋間渭
北孤交臂淮陽慰客顏

王公今牧陳留
元居治下

長卿看駟馬父

老望西還

趙龍圖自西川攜鹿兒至秦相惠

軟毛金縷暗細點雪花勻林下遠思母階前愁傍人澗
聲微可聽野性漸能馴公惠成愚好他年伴幅巾

長老鳳師新作四照亭以其環顧洞徹無纖翳礙
目故名云從予乞詩因即其說以寄題

大士安禪外孤亭曠望中物無形可遁心與境俱通日
月光應倍江山氣更雄寧須面壁坐到此即觀空

留題太平寺

鄉落少人煙精廬獨歸然香花真佛界棟宇始唐年鳥
啄齋餘食僧叅夜半禪清涼數畝地已是隔塵緣

留題東巖院

仁祠倚巖腹無處入囂氛古像棲深殿高僧傲白雲山
花暖自發谿溜遠猶聞我正為名縛翻羞猿鳥羣

數日前伏蒙吳先生留飲旋辱尊什喜甚之來謹
依巖韻奉獻

昔荷齒牙論今猶骨髓淪報知虧國士高第濫門人墻

仍欣重到眉頭為一伸却嗟夫子疾是日卧漳濱

依韻奉和司徒侍中仲春釋奠

先聖祠逾重尊儒世適丁上公儀最熟太學祭頻經曉
月衣冠淨春風組豆馨魏人休請頌在泮已言形

梨花

舊愛樂天句今逢帶雨春花中都讓潔月下倍生神翫
好張瑤席攀仍贈玉人莫開紅紫眼此外盡非真

兩夜舟中

岸鳴連夜雨舟繫數家村防盜頻敲柝愁吟早閉門呼
兒陳小酌憶弟動歸魂安得晴風起吹開波浪渾

御河舟中

浮舟不用力一水靜於山沙鳥晴相喚河雲晚更閑微
吟窮有象清思入無間河策誰云補從公漫往還

履

好在登高履東西類此身游頻齒幾折用久蠟還新晚
步憐今日幽尋憶古人莫隨珠履客且伴白綸巾

夜坐

城裏更籌急牕邊竹影微
掩書雙淚迸撫事寸心違
歲月辜華絨風霜感彩衣
陶潛空自賦何處有田歸

韓魏公生日

三秋開爽氣七月降元精
致主釣樞徧尊賢袞鉞輕
顯庸歸社稷陰相在神明
漳水流無竭年年伴壽觥

九日

霜淨乾坤闊登高極古臺
秋聲楓幾落客眼菊三開
短

髮頻看帽寒吟間引盃籬邊空意緒難得白衣來

庚戌歲除

薄宦三冬暮殊方一紀餘笑歌筋力倦勲業鬢毛疎
道路紛乘傳軒墀選曳裾無庸看半百搔首歲云除

依韻和張文通中舍寄韓師元判官

從容須陞對蕭灑待家居近閣從戎筆閑裁寄舊書青
衫逾一紀黃卷尚三餘聞說山齋好何時遂曳裾

送譚供奉

丹山靈鳳質偶別帝梧飛
忽憶華林好還收倦翼歸
綠深宮樹合紅薄苑花稀
重到回翔地卑棲嘆昨非

次韻仁叟禁中清曉

禁廬休夜直瑞靄向朝敷
華闕辨雲氣紫宸低斗樞
帝梧鳴彩鳳宮漏息銅烏
日出將臨宸天光冒海隅

送陸覃校書赴選西上

朝飲送春酒暮吟傷別詩
予愁鶯語亂君興馬蹄遲
五府何時辟三銓會早辭
回鞭晉陽道不負細侯知

次韻盧六員外避暑

城市苦歎暑尋涼到水窮
環林得高蔭解帶取微風
渴肺舉盃緩汗膚兼酒紅
當年河朔會舊事豈全空

中秋京師對月

今夜皇州月秋光共幾分
未全成皓魄猶勝隔浮雲
白髮愁偏照清樽喜獨醺
遙憐江國弟北望首殷勤

悼承天月禪老

祖意生來達詩心老去專
傳燈與誰子絕筆在何篇
朝

客散談席野禽窺法筵唯應軒北石秋後自依然

送蹇礪翁都官赴倅梁門

予與礪翁同年進士南宮同舍復北都幕府交承

共昔登龍客仍今同舍郎後先趨帥府南北重離觴塞
角催秋月邊烽落曉霜軍城看趣召能久賴王祥

久雨初霽對酒偶作

彌月窮山雨昏昏氣蔽天南榮初見日萬瓦已生煙節
物驚殘臘懽期減去年愁來搔短髮對酒且陶然

仲冬十六日祭馬步

提轡傍險徑喜隨雙炬紅薄雲籠淡月苦霧捲嚴風馬
害誰云屏神休覲所蒙晨門未開鑰殘夢續齋宮

齋宮獨酌待曉入城

青燈頻照面黃卷懶低頭危坐自醒醉孤斟誰獻酬簷
前落星宿城裏息更籌上馬即塵事欲歸欣少留

贈杜諮秘校

唐代詩人傑家居世杜陵祖風今不墜君學善相承氣
直橫秋鶚文雄絕漢鵬風騷如命將壇復讓誰登

杜以詩和荅依元韻贈之

子美沒已久正風幾替陵上天憂道喪遠裔以詩承驚
足輒追駿鸚心聊慕鵬微之重堂與努力願同登

送范令異之赴陝縣

陝人西望眼唯認馬蹄東柳縣追陶令棠郊謁召公問
農游手勸聽訟下情通千載萊蕪後傳家有素風

送同年張正臣赴海陵幕

早年登甲選從事又東藩地與淮流絕城連海氣昏好

山供健筆暇日樂清樽多著太平策歸來奏帝閭

寒爐偶坐戲呈任道

人事車輪轉年光木葉摧交情論晚歲生意共寒灰未
足勝寬褐那能煖凍盃知君尋氣類不為附炎來

依韻和仲靈禪師喜賈丞相趙翰林見稱輔教編
之什

浩蕩藤州老雄文鼓大編聲名元自重述作許誰傳成
誦慙空久相逢偶未緣承明內外相交口譽師賢

送覺上人還雲

卞山風月古秀發在詩人之子含清骨禪師託後身千
篇收篋藁一夢繞鄉蘋知己大丞相無勞揖縉紳

依韻和彭九及之歸養之什

江南春自好蜀客亦思歸淚與花俱落心隨燕共飛露
章還子舍孝理副宸闈禁署風流後謀漁未有磯

送宣州太守沈司封

宣城從古勝謝守擅風流夫子名當世君王付此州訟

鈴閣郡閣吟筆動江樓莫憶窻中句能詩今隱侯

送王天常太祝詩

雨洗春枝冷鶯愁晚更啼感時雙淚落送客片帆西淮

隰逢鴝羽

令弟秘校
先之儀真

京塵縱馬蹄有才無殿課安穩步

通閨

方殿省示惠遠祖先生詩集

先生名不死三百幾年間白首吟唐世清風起越山遺
編流自久異代許誰刪遠裔傳能事斯文氣欲還

屬疾

壯懷衰獨早樂事病全稀
靜聽聞花落歆眠見燕歸
冠裳成外累塵土汨真機
強起親曹事遙慙舊隱扉

予累日卧病適張文通惠教亦云服藥漫成小詩
呈之

功名心寸折歲月鬢雙蓬
病畏酒杯綠愁憐花藥紅
杖藜成暇日行樂步春風
唯有張公子翛然此意同

暮春被病感書

孤直難知己才華反誤身流年銷壯節多病對殘春酒
到心如達花空眼亦貧賢愚通塞理誰與問洪鈞

聞升甫南池觀魚所獲無幾戲成小詩奉呈

巨鱗非尺澤多目漫污池網漏從今日筌忘復幾時饗
人顏慘淡漁子興參差豈似任公捷羣鰲一釣絲

病起觀盆魚

戢戢駢頭戲悠悠掉尾行莫言盆盎窄猶勝網羅橫競
觸浮萍亂時吹細浪生嗟予遭病縛羨汝遂微情

送王明叟起秀州法掾

去去持丹筆當官議是非壯心低仕路戀涕濕親衣汲
浪檣鳥急吳霜稻蟹肥論文杯酒後從此故人稀

行叟權秋掾比回正老以詩寄之因次韻奉和

郡獄乏掾屬君才盛府依狎牢煩暫掌鸞枳復卑飛盡
室輕裝去新吟滿篋歸風流傷別處粉淚洒紅衣

送石亢之節推赴廬州幕府

執政昔曾祖滯才令令孫三遷纔大幕萬石已高門阮

瑤妙草檄毛公深誰言

度支毛伯
鎮典合肥

相從賓主樂淮月共

清樽

送子立榮侍南歸

有客就征驂風前別酒酣
慈顏依膝下歸意滿江南
去路草初歇到家梅正含
短書無惜寄別後抵清談

上何太宰生日

斗杓西揭柄南呂已飛灰
芝室占熊夢蓬山挺梓材
世欣金鷲見人慶玉麟來
天意非難料行看位上台

皇穹符寶運嵩嶽降真賢
明月中秋後黃花九月前
潭潭新紫府疊疊舊青樓
遐想靈椿慶春秋合幾年

漁者

身世扁舟裏飄飄可奈何
萬生勞白日一笑屬滄波
網施能幾閑機用未多
余顏自憔悴莫作楚臣歌

對雪六首

幾尺江東雪同時戶北風
全家愁坐外寄命苦吟中
已分書帷冷偏憎酒盞空
漫將豐歲兆去問白頭翁

草樹驚全失山河望轉非片時藏地險底處極天圍樓
半輕相逐簷前急自飛乘風還有意故去點人衣
飄洒三冬暮蒼茫一氣凝寒威斗自壯空色曉逾澄狂
走尋罔兔飢呼失樹鷹年來交態淺有興即誰乘
影亂侵書幌花輕輟酒盃襟懷同落寞氣象亦崔嵬屢
折參雲竹偏凌照水梅紅爐方爾附未可論寒灰
色浮千里白氣逼萬家寒獨鳥飢猶啄癡兒喜自團向
風初舞急入夜轉聲乾此味同誰冷吟窻映素冠

朔風吹不盡顯氣入無間市井人喧息江湖鳥翼碩酒
邊驚晚歲吟外失羣山溫室便高卧明朝任塞關

次韻答承天月長老

方外得師晚相逢出古心交成真合水意在始知琴宦
路塵泥久禪扃歲月深清風貽絕唱一誦快煩襟

塗中書四十言奉寄武陵則師

師有知人術一言珍萬金聖門防取貌吾道素論心越
樹秋聲起武陵歸思深桃源千載事此說更難尋

書香巖屋壁呈寺主隆師

莊嚴模淨域金碧照晴霓
土木有時竭樓臺無日低
林泉藏好處巾屨得安棲
我魂陶彭澤煩師數過溪

詩送長老芝公歸靈洞

昔以醫名著今茲祖意傳
衆生如不病大士自安禪
貌等澗松古性同山月圓
應防猿鳥憶却指舊林泉

贈淨土嵩長老

林泉久安住心境兩無塵
禪外牽餘想詩中老此身
虛

懷延海衆雄辯服談賓偉特如師少相逢悟宿因

贈霞長老

大士本宿植妙年離世紛定心馴海鳥詩語淡秋雲與
物曾無著收聲恐有聞唯將諸祖意晚歲導迷羣

酬齊上人

不見湯師久病眠時序深忽驚朱夏過真負碧雲吟他
日虎溪約同時鳳闕心未論應去住杖屨且相尋

景山無思二大師垂和鄙詩復依前韻奉荅

西北塵游倦東南野興深
帳空慙鶴怨山暝憶猿吟
大士真交臂連篇契夙心
會須携蠟屐雲嶠陟千尋

送臻上人還雲山

半歲風埃地終朝雲水情
身兼飛錫健眼向故山明
不改禪衣色從來野縈輕
煩師伴猿鳥兩耳厭車聲

詩贈圓公大士

恐是逃名客因為出世流
人間雲不定心外佛何求
醉喜形骸放詩嫌偶對囚
我應遭竊笑聲利乃身讎

仲靈禪師以詩見邀輒走筆依韻附還使奉和

世好元難合便甘或棄辛
喜師同肺腑偶爾異衣巾
文約章常俗詩情遠過人
相邀松下別山意入秋新

送李講主還維揚

定憶婆婆樹雙垂滿地陰

院有雙樹

春風吹社燕歸意逐淮

禽帆落橫江盡門開小院深
先撾大法鼓續震海潮音

師之來杭
實幹法鼓

仁宗皇帝挽歌辭四首

未乾宮硯墨猶暖御爐烟鷄唱空催曉龍飛忽上天攀
髯三月暮洒淚五雲邊盛德無容報塵埃萬壽篇

飛帝飄宸翰賡歌縱睿才歌懽三閣燕聲轉兩宮哀人
世金縢祕天門玉鑠開年年初夏月寂寞壽山杯
輕徭寬日力橫費惜秋毫臨諫天容睟尊賢聖體勞乾
坤收化育弓劍入悲號十月西陵仗愁雲隔赭袍

聖運一千載君臨四十春寶圖先與子妙斷獨如神瑞
表虛南極哀聲動北辰天鍾堯舜性廟號訖稱仁

石太保輓詞

許國三朝老傳家萬石君乞骸章未報沒齒計先聞挽
鐸搖秋露銘旌卷暮雲龍岡逢古壤馬鬣寄高墳

王廣淵郎中挽詞

一門新茹痛八座近云亡禍故近賢者風流失望郎葬
帷籠淡月挽鐸訴清霜祖烈繫誰紹三槐老北堂

王子直挽詞二首

流水身飄忽青雲意濶踈儒林看作傳使者合求書野

月隨丹旄山煙濕素車寢門今日淚一灑為無餘
王氏仍淮水賢人減潁川風流今盡矣天理舊茫然親
涕霑封篋交情動絕絃公卿誰不到偏天賈生年

晉陽郡君輓詞

畢丞相之孫諫
議宋大夫之妻

法度居無失圖書動有稽不偕君子老空美大夫妻淡
月臨新兆清風在舊閨哭聲摧隴水山鳥學人啼

夫賢微子後身貴畢公孫獨棄斑衣養空餘象服尊悲
風纏挽鐸苦霧濕銘旛誰謂靈香驗何曾見反魂

祠部集卷五

欽定四庫全書

祠部集卷六

宋 強至 撰

七言律詩

立春

北風已作東風客昨日何如今日暄造化有期尋萬木
陽和無迹走千門土牛陌上摧花杖玉鶯釵頭墜綵幡
獨我題詩添意緒又看殘臘委冰痕

春日山中感懷

春中酣酣破宿霾春心袞袞瀉長淮無情草樹相省久
得意親朋一笑乖世俗冰霜誰暖眼古人金石已枯骸
愁來獨對青山坐唯有東風入舊懷

贈楊尉純甫

君家茂族出關西壯氣長千萬丈霓斥鷃羨鵬舒海翼
駕駘觀驥騁霜蹄詩才多慕謫仙逸宦緒猶嫌梅福低
千里霄程方策足莫云今日是卑棲

若師院詠筍

戢戢新芽迸舊林，纔生有節便虛心。
已隣佛界黃金地，更學仙家碧玉簪。
失灌要須防倦僕，偷餐切莫聽饑禽。
憑師養取成修竹，截管終今作鳳吟。

席上次韻純甫牡丹

絕豔濃香一倍繁，青春歸去已珊珊。
障風護恐檀心損，和雨攀應玉手寒。
今日我來頻舉爵，明年誰共凭欄干。
盛傳京雒多名品，未得尋芳洗眼看。

寄湖掾楊浩然

新持手版茗溪掾應恨浮名別故鄉
澤國幾瞻飛鴈序
今弟公濟在杭春風自入墜鱸堂
坐曹未改平生好開卷能如
往日忙龍首主人監郡樂定蒙賓禮
考文章

送春

年年不會春來處疑自深紅嫩白間
今日卻從何處去
明年依舊待君還
不堪眼見鶯花老
安得心同木石頑
身外韶華猶可再
其如綠鬢與朱顏

經和靖林先生舊隱

獨行先生舊隱荒大名寧受一棺藏能詩秀骨應無朽
近塚閑花亦自香卷軸門人收篋笥歲時族子奉烝嘗

隱居不娶
諸姪承祀

逸民未許先賢傳猶說梁鴻有孟光

贈陸元象文學

漢世最優文學掾因君官稱復榮今青春事業收名路
白首光華照士林風月每邀花底醉乾坤共老水邊吟

安車正好追先烈子舍唯增二百金

陸賈五男今
居爰嗣六人

依韻和陸丈瑞香花

花下詩翁已富情，愛花相詠句還成。
纔開秀格能殊衆，到老清香不負名。
世上流芳歸幾處，江南傳價入中京。
乾坤定是憐馨德，那許風前趁落英。

競渡

畫鷁追風千楫動，錦標翻日萬人呼。
驕龍戰水爭先後，采蜃橫川半有無。
波底魚蝦愁破窟，岸傍車馬看盈塗。
競心猶出功名下，吟倚扁舟為一呼。

謝純甫惠筆

管勁毫尖匠製宜故人珍贈我何為分殊定遠初投日
得似文通舊夢時大手媿無才翰用正心惟見友朋規
紛紛紙尾方勞署辜負詞林視草詞

次韻和純甫秋陰悶書

乾坤泱泱作秋容節物情懷兩莫窮山雨欲來陰竟日
溪雲不斷氣浮空賴存樽酒時傾綠更有歌裙可醉紅
偶爾登臨愈興感朱顏容易變衰翁

再次前韻

晦曖秋旻氣象濃對時覽物兩無窮
纔開又合煙光重欲落還收雨意空
直恐客頭先老白卻思日腳帶斜紅
天真不擾無餘感誰似前溪下釣翁

純甫出近郊以梅花未開成篇見貽因次元韻奉酬

朔吹鳴時萬葉黃獨留瓊葉擅幽芳
水邊野外開雖晚臘後春前賞未忙
素豔若敷應雪妬嫩心猶悶已風香

此花更是梅仙詠消得花間飲百觴

過練湖

湖畔難尋使者麾湖光猶照旅人衣
氣蒸澤國能無潤隄貯雲天別有圍
楊柳經霜相對老鳬鷺飽食自由飛
繫舟索紙題詩句更把閑愁付落暉

題吳山伍子胥祠

江上胥山古木陰祠堂氣象亦蕭森
江雲不散憂君色山月猶明死國心
遷史簡編今斷缺吳人牲酒日肥深

鄙懷異代悲忠烈一拜威靈淚滿襟

資國山口石橋

前日枯槎接斷溪今朝白石跨完隄
牧兒靜立牛磨角詩客閑驚馬駐蹄
澗雨漲來流淺瀨山風掃過斷纖泥
十家豈乏相如輩當有人從柱上題

立春

魚尋細脉上輕澌鳥趁微和哢好枝
多病強傾春日酒苦吟還接暮冬詩
江南信息梅應蘂京國風流柳未絲

最有佳人隨節序
釵頭綵勝競垂垂

送朱郎中得謝歸淮南二首

一束衣冠四十春
公今收得自由身
朱顏出仕看同輩
白髮歸榮有幾人
何處覓金分素里
只聞行路羨清塵
扁舟急解隋河纜
猶恐京埃汙葛巾

天香猶在入朝衣
早見都門解綬歸
晚歲高風增慷慨
今宵列宿動光輝
誰供白酒開談笑
自向滄洲洗是非
從此淮禽相看喜
沙邊不復背公飛

次韻酬荅胡一之

六科頓網索豪雄
巖穴賢羣為一空
夫子獨沈窮巷底
故人多列要塗中

君之交游多在顯貴

志行應在功名早
欲大難

為富貴充年未平津
學晁董佇觀畫繡耀江東

立春輦下作

雪意徘徊收臘尾
風光迤邐上花梢
強傾浮蟻嘗春酌
終似南禽憶舊巢
愁裏年華侵短髮
吟邊生意滿東郊
玉盤絲菜無消息
索寞空齋畏客嘲

依韻和擇之惜春

何門織婦為春魔
幾聽啼鶯暗輟梭
美釀入唇宜莫算
芳期屈指已無多
迎風柳絮飄都盡
著雨花枝落半過
正好狂歌對餘景
休因節物嘆蹉跎

寄陳介進士

聖門顏子最稱貧
猶有簞瓢奉一身
罕似饑腸游太學
獨將生意託洪鈞
常時悶笑遭流俗
今日依歸得主人
早夜從容諮道誼
切防事業去青春

次韻和秋扇

形如圓月色欺霜
曾許佳人掩面藏
哀守揚風方慰愜
班姬中道忽悲涼
自知掌握初經用
豈顧塵埃此暫傷
只恐來年清暑殿
別將紈素上君堂

月卿大師以書抵予言到自永嘉今將還杭因索詩送行聊書短章塞來請之勤

京洛多年作意游
撇然歸思滿林丘
塵衣纔洗吳中水

吟錫還尋海畔州

還杭未幾復游永嘉

獨夜揮弦泣山鬼

師能幾

旬談妙動藩侯

溫守劉侯
延師講經

孤雲高跡真無定又理輕裝

買客舟

由永嘉赴婺
女復將還杭

菊

花濃新出黃金鑛枝軟輕垂綠玉條正色逢人何太晚
清香到酒亦終朝籬邊此意同蕭瑟霜後無言對寂寥
凡卉不為孤艷地淵明真賞欲爭邀

立春

殘臘新春判此朝斗寒猶未動寅杓白催曉色融冰片

綠轉風光入柳條
絲菜落盤隨玉手
鏤花垂勝壓金翹
六年不見江梅影
長覺歸心似旆搖

次韻丁評事春雨

溪樓鶯子懶飛飛
一鼓輕雷漸作威
細濯林花紅抹淺
低濛岼柳翠光微
偶穿縱步尋山屐
且解銷憂貰酒衣
華表有人還未得
更堪取次送春歸

送王文玉歸浙

插旗打鼓放船頭
二紀蓬萊一夢游
回首誰能顧庭鷺

收心自可近江鷗盤堆玉縷鱸初膾盞溢金波酒旋芻

嘉興酒有
名金波者

摩詰定懷廊廟弟新詩未免到皇州

維弟
縉也

依韻和達夫泛湖之作

雨氣隨雲却上天山頭已掃欲晴煙柳條不盡空園岼
荷葉猶新未礙船時序百年催樂事乾坤一笑入詩篇
主人著姓平原後莫惜金罇醉綺筵

賈麟自睦來杭復將如蘓戲贈短句

春風那解繫狂遊朝醉桐江暮柳洲大手千篇隨電掃

孤蹤四海學雲浮榮名不落閑宵夢退築聊為晚歲謀
老橘殘鱸猶有興片心還起洞庭舟

題於潛張明甫愛拙堂

高洒潛川愛拙翁堂閒雅與拙情同宦塗恥用機心達
聖世寧為直道窮千載姦纖羞白骨一時夷坦擅清風
邑人三歲觀賢化巧詆銷萌訟鉅空

月夜與陳行父楊公濟吳常甫出詣蔡子難

月色無雲喜共看葛衣藜杖到君邊宦遊易作浮雲散

人事難同好月圓菊露淒清吟可老竹風幽洒坐疑仙

明年席上天南北

行父常甫
各將赴治

合破高齋此夜眠

丈人生辰

纔過中元九日期人間最重早秋時當年間傑凝天粹
此際生賢作吏師候屬金行資義節氣鍾庚宿究兵奇
願公大用齡盈百歲歲長吟祝壽詩

依韻和楊公濟嘉定帥王待制移成都

把詔心先劔外飛一身與國繫安危玉闕落日辭金印

錦水春風轉繡旗
歷見本朝歸秉軸
多由全蜀出分麾
少陵漫為知音喜
行到花溪已恐遲

聞楊公濟冒寒訪契嵩上人

凍雲朝濕萬峰寒
鑿齒辛勤訪道安
世外更無吳水石
林中還有晉衣冠
襟期飄洒隨煙靄
詩句縱橫出肺肝
見說松門長不鎖
夜涼猶過別山看

楊公濟歲暮惠酒

紺鉸白酒下吟堂
洗盞傾甕肯漫嘗
寒屋自融春日面

煖盃能轉少年腸
山妻相對驚愁破
稚子無端笑飲狂
百歲光陰空自遠
醉時苦短醒時長

經春久雨未嘗尋
芳舟次黎驛始見
桃李紅白成陣
愛而有題

春風不散三冬雪
暖日猶明五月霞
病眼漫開常見雨
客顏新破始逢花
故園何在情還劇
舊驛空存使轉賒
白白朱朱今願驗
退之詩句亦天葩

曉出

一聲殘角繞千門
霜氣涵空亂宿氛
車馬往來無僻地
星河收去有閑雲
余生慘淡身宜佚
人事崎嶇足反勤
漸喜太陽浮海面
羣鴉鳴噪尚紛紛

依韻和酬楊公濟澄江見寄長句

子美幕中瞻暇日
喜傳幽事到京華
地偏浙水開孤壘
風散江雲覆萬家
日出魚蝦來早市
潮空鳬雁落晴沙
羨君吏隱能終歲
却恨吾游未有涯

九日至嘉禾

登高時節異鄉中回首家山隔亂峯
白酒莫辭今日醉黃花不似故園逢
苦嗟節物經秋老贏得情懷為別濃
卻愛紫微詩意好笑歌開口強為容

杜牧有塵世難逢開口笑之句

知郡都官示答盱眙周令詩有感而作

臨淮郡事素稱繁太守才明此典藩
每歲欲甄羣吏狀是人思出大賢門
孤生自恨方趨走末跡無緣被薦論
異日願公持大柄畢身猶足望洪恩

送前水監王仲賢郎中赴闕

素節清明照水臺
夷塗行騁忽徘徊
驚人險句何妨露
向闕丹心未可灰
馬勒春風朝弁集
雞呼曉日禁門開
從來早賜清閒對
不信君王肯棄才

病起偶書

病眠官舍趣方高
強起區區視冗曹
當世纖機漫蝸角
除身萬事盡鴻毛
田園歸去古稱達
軒冕儻來人自勞
汨沒青衫踰壯歲
窮通一任大鈞陶

感懷寄楊公濟

身世飄飄水上萍時情暗淡草邊螢百年日月空憂喜
一笑乾坤任醉醒此外浮沈俱委命相逢汝我即忘形
尋山各有襄陽馬莫遣題詩筆暫停

冬盡日睢陽感事

天邊愁緒細如毛眼底詩情付濁醪張許忠魂空日月
河隄巡遠
雙廟在焉鄒枚樂事委蓬蒿積成鄉思心頻折送盡年

華首重搔杜子南賓猶此日主人恩意覺徒勞

依韻和尹嗣復仲春會食船場

野色寬圓四繚牆一穿林徑百憂忘
濃花細草青春半
語燕游蜂白日長
寄興不知詩筆倦
惜時猶喜酒杯香
席間數點殘英墜
萬片隨風此濫觴

次韻酬禮之見貽

慶厯天王設網羅
君時遺俊我登科
當時未識名猶熟
此日相逢分固多
摩挲青雲知志在
驚嗟素業怵時過
朱顏皓齒偷歡處
暫置功名任酒醅

再次韻禮之見貽之什

傳家素業志雄軻，烏足區區羨決科。
以道自尊今古少，不才而第葦麻多。
聖門與閭期，居至賓館清談許我過。
文酒有時留劇飲，長教阿買到醺酞。

予不善飲

次韻禮之淮上吟

泗上風宜舊罕傳，邦人誰說貢鱗鮮。
隔淮小市若古畫，接楚遠山疑宿烟。
民舍卑窪多困水，農疇磽瘠少逢年。
顧予居里號繁勝，舉目只為鄉思牽。

董役河上風霾繼日

奉遲地冷日蕭騷野曠林疎風怒號
畚鍤一聲趨蟻垤
旗幟四面落鴻毛
黃埃成穗坐還積
綠鬢欲絲歌漫勞
暫閉柴荆如避寇
江湖歸思入漁舸

排岍判官以荷花為貺書五十六字以謝

江國芙蓉夏最繁
臨隄每見尚盤桓
清淮況是稀疎有
江萼爭教取次看
曉艷不隨生意絕
孤根寧減舊時安
主人知我江鄉客
弗忍池邊獨自觀

九日上兵部

重陽無酒上高臺冷對西風笑幾回雖信佳辰從古重
不知今日為誰來忽聞天外清歌發云是淮邊曲晏開
自歎弗如籬下菊此時翻得伴吟杯

謝徐屯田惠海味

儒腸多病怯肥羶海產從來獨所便淮甸風宜平素嗜
江鄉水产品憶經年分甘已佩公情重加飯寧須俗禱虔
食著不停資大嚼免教饒吻鎮流涎

常尉攜酒饌就部役所見勞

酒蟻清香綠瑛飛河魴雪縷玉盤肥
三春花草殊南北
一笑乾坤外是非膏血生民勞版築筋骸薄宦走都畿
陶潛此日方蕭瑟那啻籬邊遇白衣

詠鴈

乾坤搖落滿風霜候鴈來時道路長
玉塞哀音驚遠戍
滄洲寒影伴殘陽燈前客鬢愁雙白
天外鄉書斷一行
莫倚善飛江漢闊暗中矰繳絕須防

立春後連雨

東風自動故園枝未見終朝不雨時遮莫年光浮水嫩
定應春色上花遲山川慘淡隨人意車馬艱難誤客期
萬瓦煙青猶足慰始知井屋有晨炊

春日感懷

壯年不覺登三紀正月如今過一旬人壽短長難定準
春期九十更逡巡縱當簿領無餘暇自合眉頭且強伸
況值山城公事簡不謀笑飲是癡人

獻知府張少卿

當年直氣吐虹霓因使平津位晚躋大筆驅馳爭化匠
纖機擢落得天倪名隨嫫女雙溪遠詩壓休文八咏低
官是諸卿郡山水志完寧獨在公圭

邑齋偶書

作邑窮山奈拙何簿書期會損天和卻緣衆醉獨醒甚
翻覺同舟敵國多豈顧有人張巧舌第憂無術拯頽波
偏親垂老妻孥少獨愧淵明歸去歌

寄題甘露寺文岳上人環翠閣

鐵甕城邊古道場近來人說贊公房江盤北固山形轉
雲抱南朝樹色蒼世外青鴛誰結構坐間紫鴿自回翔
十年滯客空吟想未識諸天在上方

送呂貫中

陋邑相逢樂且教一枰纔了又丹醪酒因校戶知君大
基為論饒覺我高忽對溪山揮別袂卻憂基酒寡同袍
勉哉各努當年力無使功名見二毛

寒食值雨

山城寒食已冷落更值暴雨過園林餘花似對晚春泣
好鳥時傍殘枝吟况逢節物宜笑飲莫待老大惜光陰
明朝雖晴未可出溪水溢路浮泥深

送邵判鄭世表庫部奉使陝西

心馳關右氣軒軒笑著征袍謝別樽面對延和知遠罷
力城東洛是名門邊需前去勞多算疆事歸來聽一言
洮隴居人瞻漢使此行知不為河源

久雨不果行樂偶書短篇自戲

年來窮山少見日十日陰雨一日晴春色于人既無分
酒徒與我宜違盟林花及時亦自藥山鳥應節猶知鳴
況復吾生異花鳥何為對景如忘情

粹中先輩以甘雨時降兆為豐歲過形雅什猥推
涼德輒次元韻以答來貺

字人亡狀序宜愆何意天心獨不然甘澍未嘗差十日
豐儲應使足三年井廬但覺塗歌溢水旱寧憂牒訟煎
自是化工蘓百穀誤褒多謝邑中賢

元卿舟次丹陽讀予與諸君前年送別聯句因作
以道南還愆期之意遠垂寄示輒依元韻和答

歸舟南過練塘時重閱前年送別詩人世闔棺方始定

客程流梗固難期君還里閑尋三雅諸君尚在東白我尚山城

守一枝

今予獨處浦陽

涵碧春來應倍好何緣吟對舉清庖

以詩還府推楊學士無為編辱佳篇見答謹次元

韻和酬

貪諷高吟日幾回辭珍轉覺意逾瑰子雲天祿慙餘地

工部花溪拚舊才渴肺喜因秋水療病昨驚對夜光開
今朝那獨誇榮貺更貯私囊耀後來

秋日詠樓感懷

公踰四十氣方強未怕秋風作鬢霜人物此時仍富樂
襟懷無事可悲涼嚴塗行取青氈物末路寧同白首郎
滿目溪山宜曠望醉提北斗挹霞漿

搖落秋旻一望長浮空顥氣白如霜樓頭待月郡城晚
水底有天江國涼卻恨人生如寄客未客年少即衰郎

除非爛醉酬清景莫惜千金換斗漿

和人食橘

洞庭一夜落清霜枝上新苞葉底黃摘去金沙搏作顆
剖來玉露結成囊嶺頭梅小酸無味渭北梨麤冷欠香
合薦甘馨調鼎寶未宜登俎奉君嘗

戲贈孫師尹

是非不到酒樽邊
樗散誰呼小謫仙
天上浮查空有路
人間種秫獨無田
花明綠野吟毫秃
月近青樓飲幅偏

姓字未勞金簡記聖經方倚大儒傳

程窮夜見過

風雨衡門此夜開羊曇喜報謝安來
病眸強對題詩燭感淚頻添話舊盃
江上索居空歲月渭陽故事未塵埃
不眠且聽寒更坐日夕相過復幾回

苦寒

南雪今年幾尺高林飛墮走亦嗷嗷
閭閻易冷無煙火巢穴雖空有羽毛
對客懶能傾凍酒令人自媿着溫袍

何當萬丈縫狐貉寬作良裘覆汝曹

謝知郡郎中惠酒

祿鍾不滿俸錢慳伏臘纔周聚族艱僅足晨羞供色養
未能日飲樂慈顏醇醲獲奉偏親壽珍重緣從太守頒
詩雅百壺誇寵贈豈如公惠敵丘山

梅

牆邊幾樹玉參差照眼幽花冷自宜香陣晚交風破藥
粉花朝濕雪融枝故人消息從誰寄造物生成似我遲

且慰蹉跎盡詩興江樓閑笛不須吹

寄劉道秘書

夫子文章老更工六經俱達一身窮為逃州縣時情薄
不問田園歲計空別酒正思傾夜雪書郵忽喜寄春風
遙知父子傳家樂卻笑當年論異同

子舍良賢
尤得家學

春盡

江花飄去不留春海燕飛來獨語人局促年光花過眼
飄飄生理燕謀身壯懷已入雙蓬鬢樂事還成一窖塵

唯有濁醪存妙趣不容憂喜擾吾真

涵碧閣東陽山水佳處予聞且久獨未能往近得
進士與邑官唱和詩讀之景物依然如暫經目因
次元韻附諸篇之末云

山水相和碧色鮮中間飛閣挿雲端水聲噴薄如孤瀉
山勢巉巖復對盤吟恐昔人精魄笑
劉禹錫方
于詩在焉到疑盛
夏骨毛寒流觴已往雙魚在懷古探奇兩事干

依韻答元卿

手把君詩媿暗投為論昔會覺難酬
巨盃既醉行無算
大句相鑒敵固求別後溪山應故態
近來寤寐憶前游
致身不早真吾恥
猶喜清驩尚黑頭

某蒙太守廬公惠酒因作詩以謝公子仇香遽賜
光 and 復次韻叙事酬答

予懷天地惠何慳
賴有仁侯念拙艱
塵土未嘗輕俗狀
風霜多為霽嚴顏
兵厨美釀纔嘉貺
子舍清吟繼寵頒
詩酒而今諧素嗜
更兼春雪滿羣山

張君枉道顧予因書短篇以答來貺

煌煌肉食有高冠附者如馳順坂丸吾子與時誠異嚮
窮山為我肯相看更煩溢幅投璣珎自媿無門借羽翰
努力窮年求祿仕而今行路倍云難

某前日以鄙詩叙謝通判國博特垂寵和謹復依
韻上答

夫子文章卻異端橫流過盡見平湍問于風雅能臻極
粹甚圭璋不假刊累句輒嘗論盛美賜篇還與作榮觀

起予自愧無商學何敢言詩向杏壇

送同年周濤赴吉幕

廬陵風物素稱繁幕府雄誇列郡間從事有才詩筆健
平時無警檄書閑清吟良足償風月曲讌應頻醉髻鬟
行矣功名及年少未宜留意屬江山

和通判國博和金華著作陪知府少卿遊北山韻
盛府年來訟詬空等閑深入亂雲中驚禽引避前驅旆
寶刹幽尋數畝宮飛蓋塞塗溪影雜行歌聒地谷聲通

東陽屈指風流尹前有休文後有公

早秋喜雨

風吹旱葉作秋聲涼氣微從雨脚生赤地黃埃歸一洗
寸心遠目覺雙清乾坤應救街前暘黎庶如逃釜內烹
我喜南牕無俗物葛衣飄洒體還輕

東陽九日寄浦江同寮

重陽獨步上層巖目斷吾疆尚戴瞻人世只能愁杜牧
菊花豈解憶陶潛吟無舊友辭多感飲為佳辰量倍添

旅宦七迴逢此節旋銷壯歲似磨鎌

次韻國博九日

秋光未老已風酸還似春來料峭寒酒殘莫辭今日醉
人心況是在時懼佳辰從古逾金重遠岫登高見黛攢
且學牧之開口笑休因菊蕊淚闌干

白傳有眼看菊
蕊重陽淚之句

東陽吳氏昆仲並薦詣闕

予昔嘗推二子能試篇每出輒嗟驚文章即日開鵬運
兄弟同時醉鹿鳴樂善自憐心不負知人獨喜眼偏明

來春早附登科錄甲乙應聯舊姓名


題公節醉鄉亭

莫向醉鄉尋畔域古今容盡太平人
沈酣天地來同處脫畧衣冠去卜鄰
一境斷無車下土四時惟有甕頭春
虛亭未敢從君飲猶欠陶公漉酒巾

冬末郡學感懷和韻

我向榮塗倒足行折腰尚可代深耕
嗟君二紀差高第猶爾三冬伴後生
壯志幾多成墜鵠明年四十趁啼鶯

金章衮衮從韋布窮達何時不遞更



欽定四庫全書

祠部集
卷六

祠部集卷六

欽定四庫全書

集部

祠部集卷九

七至

詳校官庶吉士臣朱理

檢討臣何思鈞覆勘

總校官編修臣朱鈐

校對官庶吉士臣王朝梧

謄錄監生臣曹壽

欽定四庫全書

祠部集卷七

宋 強至 撰

七言律詩

依韻和令綽兄弟春日出郊

春色纔從野外知，柳陰花氣暖霏霏。
出林啼鳥逢人住，掠路游蜂傍馬飛。
薄宦塵埃空自哂，長吟風物阻相依。
弟酬兄唱饒才思，珠玉同携滿袖歸。

依韻和張叔毅讀柳先生文

先生蕭瑟半塗休一跌青雲不再收
名壓班行來衆毀筆鐙造花起天讎
王韋黨破誰為地柳播風殊願易州
廟食羅池今尚否滿編遺韻掩鳴球

呈陸革進士

魚沫遇窮能一煦鴛聲得意亦相求
近來無復友朋義獨善頗為魚鳥羞
今日指心論皎皎明朝掉臂逐悠悠
世間唯我交夫子憂喜同懷二十秋

遊華藏寺

我今作邑水雲鄉一到猶疑換俗腸
況在塵區正紛汨乍來法界得清涼
松筠鎖霧姿逾秀樓閣摩霄勢欲翔
更即高僧叩空理功名富貴盡毫芒

書吳江垂虹亭詩

千尺危橋跨浪雄壓橋虛閣勢凌空
直疑有路通銀漢又訝橫天卧玉虹
盡挹江山歸醉目獨開懷抱向清風
却嗟景出天隨後不得當年一詠工

登陸氏書樓

塵土長愁舉眼低轉身今喜近晴霓
天邊牛斗開吳野鳥外山川走越溪
擬解醉冠從此宿恨無健筆為君題
牙籤繞架藏書滿知與青雲別作梯

依韻和答陸草進士招飲池上詩

主人愛客掃林亭天影波光相與明
蝶傍池邊飛舞慣鳥從花上往來輕
滄浪傲世不復羨鸚鵡妬春惟欲鳴
能趁繁枝開熟釀先拚黃帽為君傾

送張叔毅北歸

公子姓張天上有少年如誼雒陽無滿編秀氣同歸楚
後夜文星不照吳雲密蛟龍閑未試霜寒鴻鴈急相呼

賢昆學士
有詩促還

知君懶愛平湖綠白日聲名會早圖

送范君武

謫仙放蕩來江東醉吟三見江花紅吳兒聚觀玉勒駿
越女一笑金錢空筆端靈文落彩鳳席上古氣舒長虹
飄然又趁白雲北別語有盡情無窮

依韻和鄭中立秘丞將替寫懷

宰邑優游不足為傳家事業復能持政
蕪子產那專惠學近康成最愛詩
百里耕桑增日課三年閭井見風移
襟懷洒落恬榮進清節從來畏衆知

和知府王給事官舍北軒新竹

子猷雅愛此君深清白傳家直至今
有似致身憐勁節更應待物並虛心
閑來點筆書新粉醉後移牀傍細陰
分到渭川青玉種嚴公宅裏許同吟

杜甫有嚴公宅同詠竹詩

得叔毅書

故人消息苦難真終日吳天望楚雲黃鵠不知何處舉
新鶯應似此中聞舊來飲量還能幾別後詩才轉不羣
忽遣長髯馳短札數行千里贈殷勤

別林仁祖御史

論交鄉里各兒童三紀相看兩鬢蓬孤宦無資元附驥
故人得意近乘驄秦儀面激殊今日管鮑心知有古風
歸興嚴程何太急片時車馬復西東

晚鶯獻都官

自恨飛遷出谷遲
東君不是故相遺
園林縱許容羈迹
蜂蝶還應笑後時
休恃綿蠻能巧囀
還須冷落守空枝
春風着力年年在
未必羽翰令便衰

再和都官見答

離幽便欲趁芳時
越分非能守一枝
多語羞隨禽反舌
逢辰強學鳳來儀
故林有約依前去
落絮無蹤逐處隨
若得東風聊借力
免教燕燕競差池

湯七秀才見和再和

清吭臨風嘯較遲春光相背去如遺名園已失堪棲處
幽谷何如未出時早恨狂風偷好景更和微雨宿殘枝
齋庭健翼飛雖晚一舉青雲笑我衰

送施野夫赴舉

胸中六籍收高誼手撫辭章應禮闈不飲故人相別酒
恐沾壽母自縫衣吳河擊棹開深凍汴日迎鞭弄短暉
四十明年方得仕平生未與古人違

秋試甫期輒成短篇呈馬公節裴進士光世

妙響相高聳一鄉士林注目看軒翔玉蹄駿欲騰先路

光世金距雄思擅舊場公節只待秋闈排甲乙穩攜曉硯寫

文章如今老將雖無勇憶拔蝨弧尚激昂

依韻和李持正晚晴出謁王子高馬上口占之作

謫仙醉跨玉鯨鱗夷甫名談喜更聞照眼暖光開野日
入懷晴氣散江雲塵埃洗去人家好空濶飛來鳥翼勤
莫望帝鄉頻感慨世間隨處有珍華

次韻公勝曉起對雪

向曉寒威覺倍濃，雪霏紛糅冷兼風。
亂裝瓊樹千林密，疑瀉銀河一夜空。
鷗鷺失羣吟景內，乾坤同色醉眸中。
青衫瘦馬凌朝出，翻羨袁安得卧窮。

次韻公勝早梅

昨夜寒梅忽一枝，早如常歲合開時。
欲冬天地恩先及，未雪園林色易知。
世眼已教容易賞，曉風何用再三吹。
若論霜菊無多晚，只此春葩苦較遲。

予官將滿婢子始植小柏於堂下因感而書

孤根初掘出巖隈赤脚殷勤手自栽翠葉未成官秩滿
清陰別待主人來堦墀好養今朝操梁棟須歸異日材
猶勝天桃清意薄劉郎去後始花開

暮春偶書呈才甫慎微

解去銅章尚月餘一春文酒會全疎無機自好親鷗鳥
雖弱仍甘下鱣魚樂事易空如委蛻流年難挽甚奔車
酒徒文友心期在任有臧舍毀子輿

予解邑過抗遇介之學士謁告南歸

同時兩郡冠鄉書屈指俄經一紀餘
顧我冗塗移蹇足羨君榮路駕奔車
方從解紱辭巖邑已見飛章厭石渠
自古蓋棺人事定未應今日較龍豬

依韻和楊尉郊外懷鄉

策馬長郊羨子真獨羸風物與詩論
驚飛雁鶩投前澗歸去牛羊識舊村
暴漲溪聲聞遠近久陰山氣亂朝昏
異鄉我亦嗟游宦莫說啼鵲有怨魂

楊詩有回望鄉關
在何處更聞杜宇

欽定四庫全書

轉凝魂
之句

鄭君天常有詩貽楊尉因次韻以贈

屢歟名場歲已高此行誰贈一綈袍
夕從客路嗟重趼獨對秋風感二毛
游倦幾漫許都刺憤深將廣楚人騷
而今薦口難開吻第愛窮途節可褒

彭及之邀吳仲源楊公濟與某夜會望湖樓獨某
後期為闕所隔偶成篇以呈諸君

月底雲樓一水湄天光湖色兩瑤璃
罇前更坐清風客

筆下爭翻白雪詞物外骨毛應自爽世間笑語不容追
千年庾亮胡牀後此興今人亦未衰

諸公愛月欲狂顛脚踏花欄手褰牋那作常時揮綵筆
直須飛句上青天豈無劇笑驚山叟應有妍詞調水仙
獨我清宵塵滓甚亂蚊聲裏汗膚眠

波射飛樓縹緲間雲梯豈合在塵寰金樽倒盡星垂地
玉滴書乾月過山檻底呂僧空仰望座中蜀客賴西還
我遭魚鑰無情甚只許吟魂夜度關

故國英雄已寂寥
飛樓氣象自飄飄
天邊鳥翼愁簷額
雨後虹光轉檻腰
直恐笑歌驚白日
却憐身世近青霄
雲梯縱險容人上
始信明河亦有橋

再寄元真宮讀書

讀書曾寄此軒頭
官路歸來十二秋
文酒故人無一在
蓬蒿荒徑有餘愁
差池歲月辜金印
憔悴乾坤復布裘
卻掃塵埃張舊榻
雲中雞犬笑淹留

二月二日作

江上初逢社燕歸，青春二月色猶微。
茸茸履底草煙合，冉冉樽邊花霧飛。
蹭蹬容圖雙鬢改，蒼茫樂事寸心違。
紫絲結鞵誰家子，馬躍東風試薄衣。

將渡楊子風雨忽作

南徐景物古愁人，薄宦扁舟更水濱。
不識濁醪傾北固，獨隨寒雨出西津。
連天風浪聲兼厲，當路鼃鼃氣亦振。
吾道屈伸非一日，世情未要責江神。

登梵天上方

欽定四庫全書

卷七

廊腰偃月勢環遶秋窗澄明照一毫樓檻轉身侵白日
海山隨眼沒驚濤泉枯碧甃鰻形遁屋跨蒼崖鳥翼勞
屈指舊遊今二紀新愁爛熳入風騷

寺有靈鰻井
遺甃在焉

舟過三郡率值風雨呈同行沈氏昆仲

冥冥細雨濕高秋花底歌前也合愁烟樹幾株踈兩岸
風帆一夢過三州生涯未解謀根固官路那能免葉浮
却羨隣船樽有酒不妨弟勸與兄酬

依韻和公濟寄仲靈禪老

藤州大士兩眉厖萬卷叢身寄一窻詩力健能支倒岳
詞源湧可截奔江高名聳動朝中士舊隱荒蕪嶺外邦
想像孤風猶未見何時能使片心降

贈承天月長老

幾年中屨四方游倦足還逢勝地留電迅禪機超達磨
雲閑詩意等湯休絕塵貌與烟霞古疊石心存岱華秋

此軒累石為山

令我取師觀所嚮豈嫌儒墨不同流

承天元長老棄本寺寄淨慈以詩戲之

城裏叢林一唾捐收身微笑寄湖邊此生直欲看山老
不住真為出世賢野屐懶穿雙露脚雲裘嫌重右披肩
人間萬事都無著獨與風騷有愛緣

詩贈寶應禪老湓公

或來丈室問師禪師解臨機示意筌雲在虛空寧有礙
月當陰晦亦長圓更無餘事牽塵想猶有能醫結世緣
鉅錫憧憧叅祖學幾人垂老得林泉

師被府命
駐錫此山

前日奉和仲靈禪老春雨詩復辱見答走筆依元

韻酬之

千年支許事如新
欲作前游漫歷旬
雨帶黑雲障俗客
援呼飛鳥伴幽人
從容劇論知何日
感激佳篇慰此辰
四海聲光非鑿齒
道安名重若為親

觀嘉祐南宮奏名

主司撥馬選龍媒
二百珍羣奏籍開
皎皎公衡垂日月
儀儀士類望風雷
誠知至鑑無遺照
那免良工有滯材
鄉國幾人同應詔
只將春色與闕裴

寄題殊公禪老黃雲閣

大士當年密行成山居黃色有雲生黃雲已共斯人去
飛閣猶為此地名欲到塵埃先擺落縱觀氣象亦崢嶸
誰云瑞應難追復禪老而今祖意明

人悅禪翁巧結廬更營飛閣取幽虛溪山雨後翠欲活
樛檻風來清有餘龍象幾年成佛界猿猱深夜雜僧居
還如夢得聞涵碧誰寫丹青復寄予

經故明靜師支離堂

支公昔講支離學堂上無容坐客羣
往日衣冠今尚否
經春几席自蕭然
談間精義門人記
身後清風嗣子傳
一紀宦游尋舊社
空將感涕灑塵編

戲呈宋周士

臘去垂垂凍欲消
春光未動思先饒
最宜才客臨歌席
更看佳人轉舞腰
一笑勞生應有定
三冬薄宦獨無聊
蘭臺侍從風流裔
合為行雲賦此朝

洪君然太博以元日刺字交馳卒不一見作詩相

遺依韻和答

知君元日趨鴈行雙觀雲邊聳百常拜表歸來乘逸興
跨鞍相就攪吟腸還同皇甫尋僧孺却笑山公顧葛強
我亦及門空刺字不容高論聽琅琅

暮春感懷

雨聲日夜催春老不顧愁人鬢欲華堂上自來相熟燕
樹間猶有未飛花詩篇閑裏曾無數酒盞生前亦有涯
傳語東風且從款蒼顏更畏數年加

賞春

到老能逢幾度春直須飲量強增分

予素少飲

吟情無際共

芳草游思難收如亂雲還見春風與挑笑却教人意嘆

芝焚

予近喪偶

妖紅爛白方爭賞疎竹休誇號此君

昨日以鄙詩示王君遽辱贈篇過有推飾輒依元

韻奉答

未有功名與世傳且驅懷抱向詩篇昔曾篆刻工童伎
今敢風騷領將權媿匪窮經臻聖處妄推聞道在君先

還知苦意微吟否不已猶云博奕賢

荅章傳道二首

旋刻辭章就禮闈禁園花在遂空歸客愁春雪杯間釋
詩句青雲紙上飛從祖近持丞相印舊交半著侍臣衣
揚雄未老猶堪薦忍聽滄州買釣磯

夫子詞源湧大江相逢早覺片心降日哦李白詩千首

累日獲
觀或編

夜獲虞卿壁一雙

昨日
貺二詩

屢發彩牋移曲几不

知紅燭短幽窗吟高莫信須窮滯亦有從來擁節幢

送呂監簿歸淮南侍下

花邊把酒趣晴暉
春去花空興盡歸
白髮親庭寬北望
青簾客舫喜南飛
京埃袞袞休回首
淮月娟娟好振衣
年少身名當自立
不須裘馬事輕肥

贈蘇宣甫

謫宦多因衆口讒
猶君戰衄困羈銜
鷹拳羣雀翻遭網
舟駕長風忽斷帆
曾擁貔貅交白刃
肯同兒女泣青衫
有才恐失朝廷意
不日房陵被詔函

某嘗約才甫游雙溪以連雨多事因循未果辱詩
督行謹依韻和

共君曾約訪煙霞欲趁芳時物物嘉宿諾古人嘗有誠
春游今我果成賒眼看日下無窮事腸斷風前已落花
天氣清明當趣駕此詩先寄謫仙家

送宋國史赴吉州司理

水光山翠一城浮碧瓦朱甍萬井稠平日居人皆富庶
少年新掾更風流傳家妙術觀尊府決獄能聲擅劇州

利又有餘清興足不應詩句廢江樓

依韻和正老自嘆之什

妙年為學恥迂踈直欲聲光擅八區已是宦情嗟澹泊
可堪世態較錙銖不調台鼎行吾道便翼天兵戮汝孥
出入功名當若此自餘瑣細盡非夫

我無尺地可耕鋤君有高田占具區

正老吳門有上腴數頃

若論

生涯猶厚薄獨於宦意等分銖壯年未建鴻毛利寸祿
聊甘稚齒孥不學庸庸自持者高冠空食上農夫

贈辟疆

人譏徐子迹飄零我愛文章輔六經大筆疑爭造化力
幽吟難遁鬼神形良金縱毀剛無耗寶劍雖埋氣自靈
進則臯夔退荀孟莫容得喪擾中局

依韻奉和王平甫學士寄元內翰詩

蓬萊仙闕地深沉視草讎書此盍簪禁漏傳聲來閣外
宮雲曳影過廊陰能詩摩詰淹儒館未相微之在翰林
馬躍秋風出閭闔片時相失遂成吟

送紫微沈舍人守越州

翁子懷章未足多，會稽歸日已蹉跎。
舍人綠髮垂金印，院吏朱衫導玉珂。
去國忠心傾斗極，過鄉喜氣壓江波。
君王許便雙親養，奈渴黃麻紫詔何。

依韻和酬閬州劉侍禁季孫見寄

別來雙鬢一衰翁，近喜劉郎信息通。
劍氣未閑頻犯斗，賦聲無用尚摩空。

君頃以能賦稱太學而竟屈于不得科試

傳聞蜀道踰天

上見說城南冠閬中

杜子美有閬中勝事可腸斷閬中城南天下稀之句

山水縱

游那覺久清霜雨度變丹楓

人日立春輦下作

樓上滿傾人日酒更逢春氣到京華
盤擎白玉來生菜勝挿黃金出鏤花
客興紛紜那可數年光流轉亦無涯
天邊梅柳應相笑兩度東風不在家

依韻和鎮叔送元宵之什

一夜雲衢火樹空照人唯有月華同
却思廣陌追遊處都似南柯夢寐中
未分園林辜樂事况栽桃李有春工

可憐此景何時再直待明年歲起東

席上呈正老

去年贈別折寒梅盡道行人不再來今日樽前成邂逅
大家花下且徘徊經春雨脚無時斷浮世眉頭幾度開
莫待明朝離閣後空將餘恨寄吟杯

送鎮叔

三月將交雨細時餘花撲撲柳飛飛已於樹底聞鶯恨
更向花前送客歸暗綠幾行迎去馬亂紅無數落征衣

傷春惜別鍾吾輩此際寧容瘦骨肥

次韻荅正老

幽懽閒憶去年時飲量人人灌漏卮
我更典衣邀淺飲君猶刻燭賦新詩
由來世事都無定再結朋游未可期
一紙清風惠佳句慙慙勝寄隴頭枝

依韻和正老暮秋郊行感事

秋郊物物作秋容目送橫天一鶚雄
更遠更疑山隔霧或飄或聚葉隨風
對時唯恐朱顏改遣興除非白酒充

感事子真成麗倡恨無佳句敵才翁

再和

有客秋郊曠望中更憑佳句發才雄
牛羊飽食眠平野鵬鶚乘時擊迅風
倦目幾隨殘照斷渴腸惟藉濁醪充
登臨不用頻興感憂喜能忘是塞翁

再和

我行平野覽秋空物象吟懷覺雨雄
遠水有時明返照疎林無限戰西風
京坻相望農收足廬井多懽歲計充

亦向此時追樂事歸來倒載效山翁

依韻和荅公諤郎中冠氏道中偶成

潏潏黃埃接大河驅車底處覓陽和
參差花信春將半惱亂詩情日轉多
樂事恍如初覺夢年光撇若迅流波
馬蹄莫放歸時緩知有佳人聽玉珂

依韻走筆和荅徐無畏見招

憶初識面越庠時餘教嘗蒙覺後知
早念兒童能刻賦晚逢夫子許言詩
從容江介心方壯蹭蹬京華鬢已衰

道舊不須親握手滿篇往事畧無違

馬上口占呈注記李才元學士

一時開望絕朝裾幾歲文章動直廬鳳尾新批天子詔
螭頭看載史臣書故關即路嚴霜後曉殿初班瑞雪初
蜀道歸時須六印不應駟馬擅相如

送曾元恕太祝赴漢陽監征

漢江山色秀蒼煙山擁江光入馬鞭行思欲飄飛鳥外
別顏空慘落花前勉旃闕賦那終歲好在家聲幸壯年

鸚鵡故洲應寂寞得無新句發晴川

古詩有晴川歷歷漢陽樹之句

次韻通判張靜之郎中席上對客

一飲真須盡百杯異鄉懷抱酒邊開
田園幾日能歸去

軒冕浮雲亦儻來交態與誰論
淡水宦情空自學寒灰

何如席上張公子白雪辭兼郢客來

杜子美贈張翰林有天上張公子之句

寄秦倅呂四丈職方淵

丈人宦意靜如山五十朱衣鬢未斑
富庶謳歌歸別駕
太平談笑服諸蠻
熊羆一兆高門後
鴻雁連飛絕塞間

愛弟翰林
時帥邊關

莫學馮唐終蹭蹬功名猶好出秦關

寄保安軍楊公濟判官

高吟絕塞十年前醉筆纔停萬紙傳
麟閣主人降健句雞林官長購精篇
舊游散落今誰在新感縱橫日自憐
肝膽不同軀幹小幾時獻畫請開邊

依韻和張君儀職方城上觀雪

重城雉堞粉相圍亂片情多故點衣
浩蕩關河無表裏微茫草樹有光輝
冷侵容鬢雙蓬短急伴年華一箭飛

却憶水曹詩句好羣鴉接翅傍昏歸

會故人集崔侍郎園池

貳卿園沼壓關西上相篇章絕景宜
舊日宮牆流水過至今苑地畫圖知
孤花春去猶臨岸野蔓晴來欲占籬
荀令鳳凰池更好不須遊苑此遲遲

侍次陞對已再見春感懷成篇

旅食一朝還一朝紫宸前對轉迢迢
青雲事業應全誤綠髮光陰已半銷
始愛古人輕祿仕擬將生理付漁樵

春風又入長安陌
依舊閑愁絆柳條

和過尉氏林香陂韻

長年京洛事塵埃
懷抱那能一日開
魚鳥宿心聊此得
江湖清興劃然回
天園野色鱗鱗合
風獵林香滾滾來
漸有人喧迎馬足
郊原佳處好徘徊

送馬特失薦還蘇回舟中作

一客空歸顏色低
衆人氣亦喪虹蜺
淚添酒盞霜天闊
目斷帆檣海日西
交臂散零如木葉
別腸縈轉似山蹊

遙知名在鄉書者雨洗秋街躍馬蹄

是日鄉薦諸君謝辭

送俞元宰失薦東歸

蛟龍水淺一戰失鴻雁天寒相背飛疎柳不堪霜後折
故人轉覺酒邊稀朱顏有改宜看鏡黃卷無窮且杜扉
事業計從勤憤得未妨鄰里笑空歸

祠部集卷七

欽定四庫全書

祠部集卷八

宋 強至 撰

七言律詩

南都二月二日憶杭州去歲之遊

去歲江頭對此辰
花邊弄筆詠青春
異鄉愁緒還隨客
今日風光不着人
蹭蹬宦名侵綠髮
飄飄生理托洪鈞
湖隄草軟辜游屐
空踏平臺陌上塵

題姚氏三頭牡丹

姚黃容易雒陽觀
吾土姚花洗眼看
一抹胭脂勻作艷
千窠蜀錦合成團
春風應笑香心亂
曉日那傷片影單
好為太平圖絕瑞
卻愁難下彩毫端

文懿大師院假山

繞郭非無海上山
更收紫翠入禪關
竺峯飛過傳聞後
蓬島移來想像間
草樹細含生意足
雲烟輕帶野情還
主人高卧嵩衡畔
應放幽尋杖履閒

宋都憶梅

古屋前頭幾樹梅
長年臘後已全開
自經遠別憑誰寄
欲問清香無使來
空與吟懷驚歲月
愁將客眼對塵埃
棗林榆筴粗疎甚
索寞山東把酒杯

留別西京僉幕陳子雍著

夷門一別三年夢
雒宅相逢二紀心
人事漸隨詩筆老
交情似共酒杯深
從今日望青雲色
寄遠時傳白雪吟
不獨此間堪下淚
秋風無處好開襟

題魯司徒廟

司徒精爽儼如昨舊史風流傳至今一雨能隨賢宰意

石舍人頃宰中年歲旱有
禱於廟不日甘雨霑足

千年不死愛民心蟲緣壞壁

青苔合鳥噪荒庭古樹陰桑雉逢人雖遠避近來僮豎
殺機深

迂漕臺感書

郡縣齊瞻使者麾馬蹄行處是霜威前驅寧免為負弩
高謝未能圖拂衣顧已自知吾道在折腰甘被俗人譏

古來策足皆貧賤伊起耕夫呂釣磯

送竇彥法學士被詔赴闕

綠髮傳家五丹桂青雲錯路兩朱轡鳳批天語來嚴詔
馬躍春風候禁門造膝從容應有問披心慷慨不無言
君王一見知堪用未歷財闈定改恩

剛叔以雅言題拙稿輒依韻和酌

每恨塵勞荒舊學更慙篆刻得初名聖賢間奧期深入
風雅源流庶一清短技示人方蓄縮雄篇鏖我太崢嶸

君詩合作咸韶秘何爾輕酌鄭濮聲

送江卿知徐州

鳬繹州山繡畫開東方重鎮仗卿才過家喜氣隨行蓋
入境懽謳接賀杯玉璫試尋彭祖宅金羈看戲項王臺
都門送別無新句盡屬文通自賦來

送程公闢郎中知洪州二首

滕閣欄高紅螭螭章江水闊碧琉璃幾年氣象歸談笑
一道蒲垣繫指麾那待韓公來屬部無勞王勃寫雄辭

使君自有文章手能與山川作好碑

君王從此不南憂善付名郎第一州
笳鼓出嚴千騎從旌麾坐制九諸侯
城巔觀閣屏間見江底乾坤鏡裏浮
門下賢豪常滿榻却應仲舉減風流

送喬岑

世俗誰誇畫錦歸鄉人應笑舊儒衣
一言許與經詞伯

三道聲名出禮闈

天府試策特為主司所稱

好在青雲須遠步莫愁

黃鵠不高飛還家便養軒騰志當使閭閻見面稀

題錢安道節推環秀亭

嶰嶰虬簷挿斗飛乾坤秀色四暉暉
晴江對酒平如掌
晚樹開簾細作圍
笑裏城烏啼月過吟邊
巢燕掠花歸
主人風骨爭森爽
無處容塵到客衣

送公濟還闕下

不候闕征滿歲歸

乞成資
得請

邑人徒爾挽行衣
肯將淚對

殘花落應自心先去
烏飛官向長安多富貴
君當即日
享輕肥
綠槐陰合天街後
恰輟辰班拱帝暉

送劉伯壽團練致政歸雒陽舊隱

幾年笑傲負緱雲一日重尋麋鹿羣
歸老慢賢疏太傅不侯誰念李將軍
霜天劒氣閑中見月嶺笙聲醉裏聞
回首功名今似夢逢人嬾說守邊勤

和唐林夫正字韻

共是江山棄水雲更同魏北走埃塵
官書斷手何多日樂事回頭已一春
入夏解衣宜野逸幾時縱酒到天真
由來朋字難為正莫漫剛顏忤世人

初秋與趙無愧小飲下關河亭季秋送客復至其間偶成短句

秋早津亭一笑歌紅粧晚景落清波重來霜後攀疎柳更向風前數敗荷物理盛時能有幾人生樂處亦無多不知當日樽前曲卻傍誰邊歛翠娥

依韻和王立之中秋陰雲不見月

更長不見水精盤搔首庭除夜向闌一氣人間清自轉孤光雲外好誰看關河夜色暗朔漠樓閣吟魂飛廣寒

幕府病眠憔悴客獨無樂事可相干

夜會洪方叔

別孟曾破菊花期今夕相逢菊又衰
宦路經年能會合
人生何處免參差
漸驚老態侵常日
猶喜交情似舊時
一笑形骸俱自失
三更星斗席邊移

再宿白巖院

寺在疎林積靄間
舉頭無處不蒼山
老松恠石莫知歲
幽鳥孤雲相與閑
袞袞紅塵嗟宦路
時時飛夢繞禪關

上方大士觀空坐應笑喧卑數往還

立之臨別連以佳篇見貺依韻和酬

建溪夫子惠新詩雅道深慙未得知
曲享鷄鵠真過矣吟成款段復何之
日斜留煮山家茗煙重愁燃客舍萁
我繫一官君四海可憐出處不同時

依韻和居方觀崔生畫

古今畫手得名人一物纔工自出倫
字與丹青俱是絕勢闊飛動不無神
浪傳誤筆成蠅點那待青田寫鶴真

侯鴈枯荷含遠意江湖歸興劃然新

次韻知郡郎中應期喜雪

公將民欲達天心瑞雪如期白
晝陰皓色恍疑霄宇接
濃寒都為歲華深
辭妍席右人雄瞻興盡溪邊客訪尋
鈴閣唱高宜和寡不才剛綴郢中吟

依韻和荅晉倅洪君然都官三益見寄

別乘文章晚更奇全家才業繼前徽
閨中蔡琰詩無敵

魚軒善詩膝下劉歆筆有譏

令子嘗論厯代頗有譏正

歸意我慙彭澤柳

清腸君愛首陽薇案頭簿領真流俗獨喜吟懷與世違
丙午歲與府中諸君重遊張氏園慨然成詩

醉書曾記並游人今日重遊墨尚新對酒年來驚白髮
惜花時復數青春四方散落幾交臂萬事參差一病身
傍水園林自蕭洒不須出郭遠風塵

題余公亭

公自披榛上築城以公題榜壯圖經名佳應與溪山久
地勝渾疑草木靈到喜琴樽能滿意退嫌圭組只勞形

異時邦俗思賢化還似甘棠愛此亭

喜晴

雷威無節雨霖頻倍喜晴陽照火旻野外芻蕘尋故道
田間簫鼓賽閑神亂苗豎似痿人起積靄披如舊屋新
更待高樓今夜月一樽且樂有涯身

中秋對月有感

西風入夜掃微雲皓魄來無一點塵樓閣通宵雙玉戶
水天隨處兩冰輪光搖樽酒清宜客影落闌河思煞人

我向乾坤違樂事孤蟾照淚滴衣巾

送劉嗣復都官赴辟秦州幕府

安西幕府藹聲華禮幣迎門促去家長日壯圖看劍氣
隔宵喜信報燈花輕裝度隴由來慣逸轡追塵不待撾
賓主禦戎俱有策只陪談笑却邊沙

十萬強弓略未彎妖氛漸滅賀蘭山元侯把詔開新府
上客隨書出故關詩酒不妨行樂外功名只在立談間
主人待勒燕然石誰道能銘獨姓班

幾載關西任醉醒一朝意緒屬青冥舌端江海傾談韻掌

內風雲指陣形烏府中丞知國器

中憲王公知見最深嘗薦于朝

鴻樞

學士納邊庭二公遠近觀成效莫使旄頭尚有星

入秦乘夏頗相宜笑拂征鞍盡別卮鸚鵡隴西迎賦筆

芙蓉幕裏近花期祖琨清發能長嘯老杜冥搜有雜詩

杜子美有秦州雜詩

君去定應兼二美軍書暇日戍樓時

走筆和楊蟠從事庭菊

楊子門無載酒賓菊開誰共醉天真簷前寂寞逢吟客

霜後蹉跎伴主人
鈿帶綴花疑細翦
金錢繞屋豈全貧
東家早秀誇桃李
今日空枝不似春

河北送洪景之進士如荆南

十年肝膽照交情
朔漠相逢意轉傾
蒼鬢飄飄予薄宦
青雲蹭蹬子諸生
更同樽俎知何地
漫與詩篇送子行
南北倦游那得定
扁舟江外欲之荆

依韻和荅陳公度五邑季點道中見寄之什

幕府清郎安在哉
方冬行縣冒塵埃
寂寥坐客思車樂

點檢詩朋欠昂來按吏最誰官簿整教民幾處戰旗開

此行兼
鄉兵

未應輸我論文飲贏得新詩滿篋回

北都春日漫書

蓬鬢雙侵京國塵花枝五別故園春曉鷺莫漫驚游宦
夜鶴多應怨主人日月名遲愁攬鏡江湖興在憶垂綸
天邊涕淚懷吾弟却恨衣冠繫此身

苦熱

羣鳥無聲抱翠條乾坤雖廣絕微颺魚龍尚懼滄溟沸

草木甘從赤日焦只與火雲張氣勢未容霖雨解炎歊
經時未雨猶開事莫放晴虹作旱祲

觀蓮

水仙也曝晚霞衣萬片鮮紅照綠池花近酒盃逾酷烈
蓋隨舞袖忽歌垂且延勝賞觀靈匹好折清香贈侍姬
苦被濁泥埋沒久題詩今喜相公知

韓魏公生日

早陪樞筦晚持衡曾與君王致太平一代盡宗蕭相畫

四夷猶服晉公名乾坤爽氣初秋動社稷元勲翌日生
今歲故鄉諸父老壽樽應喜得親傾

功名富貴舊元台誕日新歸故里來綺席重張孫相閣
錦衣三照鄴王臺相望全魏榮封國不盡清漳伴壽盃
最是銜恩門下客秀眉前祝落鄒枚

榮歸堂

堂就新紆上相車名尊為出紫泥書

公以語
名堂

清杯燕喜

三春半黃閣歸來一紀餘香徑生輝榮草木畫簷垂蔭

樂禽魚官輕可笑江東老也漫懷章詫里閭

嫩柳濃花園舊圃朱甍碧瓦照春池黃金腰下還鄉印
翠琰胷中報國詩乘駟長卿羞志淺懷章公子恨名遲
知公觸事須尊主揭榜新堂是訓辭

依韻和酬留別

魏國山河氣自雄殊方客子一身窮靈文獨富肝脾內
秀句連成咳唾中細數舊游如俯仰俄驚新別又西東
郡侯早晚論高行懶就秋闌望至公

九日

去歲重陽踏路塵異鄉今日恨還新如何佳節長為客
却恐黃花解笑人強飲破愁為樂酒自憐多病足情身
龍山舊事知難問千載相期屬此辰

漸老襟懷已足悲登高節物可無詩秋聲颯爽侵蓬鬢
晚意蕭條伴菊枝故里江山尋好處重陽樽酒負當時
天邊鴻鴈隨南望憶弟雙眸淚欲垂

馬上見華山

身寄秦川紫翠間，舉頭行坐對南山。
忽來煙際逢仙掌，更覺天邊慰客顏。
霖雨不知何日作，片雲猶向此時閑。
三峯信美那能戀，自有家林未得還。

西距渭南二十里有佛祠，曰梁田。其主僧守遂者，引予登閣，久之欲題名。屋壁守遂遽阻曰：「有榜諭，恐得罪于邑大夫，願勿題。」又閣有韓玉汝赴洋州日留題詩板，而書字猶新。詢于守，遂曰：「前日韓將漕本道亦邑宰，令寫之詩也。因感世態而作。」

洋州太守駐雙輪佳句曾留渭水春一紀却題關右節
二篇纔出屋間塵濡毫忽聽山僧語題柱須防縣令嗔
只道衣冠專世態炎涼也屬不毛人

五路嶺

一徑高盤十里餘人心馬足厭崎嶇只憑頑石專為險
不識青雲自有衢地氣難通樹多瘦陽暉應近草先枯
我行方欲奮遐跡顧爾安能礙坦途

和梁潤之晚登繡嶺

翠華絳節去忘還輦路宮牆壞舊山青史空文興廢後
玉真餘恨有無間杖藜一笑緣危徑弄筆高吟望故關
足力怪君強健甚慣行棧道不為艱

依韻酬獻陳州王密學見寄

觸熱初來太華西恐煩後命促佳期

杜子美送李秘書赴杜相公幕有恐

失佳期後
命催之句

兩人幕府叨同日

裴晉公詩有兩人同日事
征西之句某與張宮舍俱

下
幕

千載門闌值一時儲邸忽開趨詔召賓筵空在失

棲遲念公詩句情無極更聽秦民話去思

憶昨驅車始向西樊川又見菊花期
滯留舊幕嗟今日
淡笑清樽記昔時
屢辟濫充賓客晚
厚恩慙報主人遲
淮南卧治那能久
天子懷賢入夢思

和張文通書懷

仕塗衆偽雜吾真
誰信千鈞重一身
赫赫朱門公相遠
寥寥黃卷聖賢親
府居此日嗟孤宦
鄉飲當年謬上賓
猶喜故人同舊幕
每容詩句續陽春

依韻和張文通寺丞寄鮮于子駿職方

西州夫子善談天語入精微服四筵

子駿尤深於易

交分正論

詩卷裏別愁忽到酒樽邊馬衝雪片歸梁苑鷺喚年芳

憶渭川盛事青雲看接跡衣冠鄉里舊多賢

閬州陳氏在衣冠盛

事為最多

送隴州使君劉仲儀左藏赴治

夾道濃香數里焚隨車和氣一城薰兵民如見古循吏

文武兼能今使君冷射祠堂汧水月晴飛郡閣隴山雲

幕中知有才從事樽俎清談定喜聞

雷從事實長安佳士

依韻和酬順安使君王大觀見寄之什

蒼鬢蕭疎並曲臺

予常與大觀同為博士太常

北門笑口屢同開

仲升投筆燕南去王粲從軍陝右來

奉狀

滿川天寒戎幕賴深杯更為後會知何地終日思君首懶

回

送人還闕

談笑三年陪主帥文章二紀在公卿莫辭別酒傾秦地

古詩有秦地少年多釀酒之句

且聽離歌唱渭城鞍馬入關侵臘尾宮

驚到闕破春聲朝廷擢賢才急合有當塗薦姓名

依韻和達守徐郎中見寄

鐃鼓鳴船送出都中間不奉一行書荷公恩禮無時薄
接物襟懷似舊虛久別近叅元帥幕相逢屢枉使君車
詩筒自附西來驛那要烟波雙鯉魚

依韻奉和經略司徒侍中寒食後池詩二首

放懷吟笑艷陽天誰似征西相國賢春酒丁寧終席滿
風花點檢幾枝全柳間鶯踏柔條軟池面魚吹細浪圓

東閣恨叅賓客晚五湖那暇憶漁船

置酒高吟禁火天主人勲德重韋賢廟朝論道看三入
樽俎談兵已萬全曉竹洗煙叢玉瘦春池濺雨亂珠圓
曲江壯觀今蕪沒不復紅粧照客船

南軒小桃盛開皆言羣花未發而此獨先之偶成
短篇呈諸君

紫萼紅英細細裝新枝短短舊枝長未經曉日誰言艷
可藉春風自有香却恐折殘妨把酒若為遮住莫臨牆

關中氣候由來晚二月花開豈是忙

長安春日感懷

誰道關中節候遲晴川二月繡參差有期去燕尋歸棟
不改新花發舊枝宦路飄飄無定所客顏顛顚異當時
林花巢燕休相笑攬照懷鄉已自知

保安楊公濟書來問疾以詩荅之

青雲意緒漸悠然白晝昏昏懶欲眠詩攬肺腸來暇日
病驅腰腳入衰年春來把酒猶能強老去逢花祇漫憐

童稚情親今好在遠煩問信到秦川

次韻荅方晦之

昔時英傑未伸時勝下淮陰尚俛眉之子古心能自信
衆人謗口不須疑討論直取遺經本芟剔寧容異說枝
聖世尊儒君富學等閑危涕莫交洩

依韻奉和經略司徒侍中清明興慶池上之作

後騎前騶拂曉晴風光初轉綉旗明功名上相班春樂
談笑西戎計日平烟際飛禽屏上見水邊游妓鑑中行

勸公急趁花時醉
宰席猶虛主意傾

春日興慶池上作

韋杜風光掠眼明
南山秀色入重城
林端袞袞晴煙起
水底濺濺亂水鳴
載酒小舟聊晚泊
隔花幽鳥忽春聲
漢唐壯觀今何在
惟有新蒲細草生

奉和經略司徒侍中垂蘿洞之什

洞裏流泉過幾家
洞門一醉興何賒
桐飄欲下題詩葉
桃笑猶存誤客花
清結晚陰堪宿鳥
綠牽春蔓擬藏蛇

相君宴喜緣賓樂澹上誰人合姓車

和司徒侍中上巳會興慶池韻

熒煌台座隔魁三

杜工部詩有君家最近魁三象之句

喜對新詩見二南

好酒似聽山鳥勸
落花真惜野蜂衙
天光不斷連春水
月影初來破夕嵐
紅旆欲歸珠履散
遊人猶愛畫船攬
依韻奉和判府經略司徒侍中上巳晚游九曲池詩

地勢盤紆巧鑿開
當年匠意亦多才
池名不逐唐宮廢

岸折猶如蜀阪來
水落有時逢舊石
草深無處覓遺臺
行春丞相尋陳迹
往事空嗟浩劫灰

長安上巳日對雨憶杭州

三月吾鄉三日盛
一春盛事一時傳
山花迎笑探芳騎
水鳥驚飛張樂船
今對清樽看細雨
更搔短髮數流年
曲江蕪沒不堪覩
那復麗人來水邊

經春長在幕府今日偶出見花

幕府文書日日同
愧無長策議平戎
但驚蓬鬢看雙白

不覺花枝已半紅
宦意蹉跎侵晚景
客愁散漫逐春風
古人枉說從軍樂
興在江湖短艇中

遊寶掌院

當年祕寶已無形
獨有層峯似舊青
不許俗人留轍跡
却應神物護巖扃
山腰援嘯孤煙暝
洞口龍歸暴雨腥
今日一來探絕賞
始知全勝考圖經

登塔

身世如追汗漫遊
丹梯一步擬三休
漢唐前後漫陳迹

城郭是非勞寸眸寒日微明飛鳥背孤烟漸起暮山頭
姓名滿壁今空在登此幾人忘百憂

杜子美登塔詩有
自非曠士懷登茲

翻百憂
之句

依韻和尹嗣復祕校登回鑾寺閣有感之什

尹子辭才兩崛竒家聲好繼漢翁歸人間茂器無施設
天畔危欄獨據依詩興遠隨孤鳥逝客心閒傍片雲飛
登臨不比江南節何事徘徊怨落暉

依韻奉和判府經略司徒侍中春陰馬上之什

濕雲落地未回天墜絮將飛力尚綿霧重自侵旗尾潤
日高誰傍甕頭眠行田歲望三登穀按轡詩成萬選錢
霖雨長應隨出處春來只見月光圓

送成都舊尹趙龍圖至驪山作

阻傍嚴公住浣花喜從秦地見高牙致君前去心逾赤
撫俗歸來髮未華路出錦江乘夜月騎停繡嶺揖朝霞
自憐二紀游門下今日聊能託後車

依韻奉和判府司徒待中賞西禪院牡丹之什

花蒙一顧重長安從此時人洗眼看留艷徘徊供燕席
飛香迤邐上貂冠露苞含曉宜三嗅風朵搖春似七盤
便好移歸東閣種免教來歲隔欄干

依韻奉和經畧司徒侍中過湫馬上始見終南

紫詰泥封墨未乾暫班全陝詔條寬舊來霖雨從神覓
好在晴山立馬看翠入重城朝自潤勢吞平野夏猶寒
公師巖石同臨鎮闕右人心轉覺安

依韻奉和司徒侍中留題靈泉觀

壞道頽墻遶舊山空餘繡嶺鬱巒岼庭柯引蔓長垂蓋

林莢遺妖尚合歡

觀有垂蓋古藤溫泉之側皂角生輒相並俗謂楊妃皂角云

清渭

不隨人事改溫泉那解客心寒唐宮蕪沒今何在漫拂
津陽石記看

題靈泉觀閣

山腰碧瓦鬱參差勢壓開元觀閣基野氣欲來雲拂地
天光不動水平池飛簷鳥道愁相逼故國煙入俯窺
便擬幽尋隨杖屨清秋幕府事文移

韓魏公生日

勲名一代俱稱首，將相三朝愈飭躬。
雅意自安台鼎外，羣生長願化鈞中。
破除白髮留賓醉，收拾黃金濟士窮。
舊鄴山川齊壽考，秀眉何獨魯龜蒙。

天地開秋氣，北涼當年大昴降。
星芒溢城鼓，吹迎恩賜傾。
府衣冠望寵光，馬出上閑牽駿足。
衣頒內府疊濃香，令孫今日方傳詔。
更待魯雲捧壽觴。

依韻奉和司徒侍中戊申西碓中秋對月

白玉盤從海面浮，閑雲一點即時收。
山川表裏無遺照，天地尋常可是秋。
清景似偏孫相閣，高情更屬庾公樓。
暫紆化筆歸詩句，不泯長隨洛水流。

澠池

古邑人煙陝雒間，馬蹄車轍許誰閒。
不堪曉雨妨行興，猶喜秋風慰客顏。
老去稍知筋力勸，年來祇益鬢毛斑。
相如屈趙無遺跡，獨有空名重泰山。

長安九日

鴈落霜清對此辰
螳浮酒濁喚何人
二年不見江南弟
九日空憐渭北身
白髮轉多羞挿帽
黃花漫好擬霑巾
功名又逐秋風晚
惟有登高詩句新

離京兆日獨里人
葉舜舉祕丞胡從道戶曹遠餞
至長樂坂

兩經辟命住秦關
府罷東隨相國還
物態當時傾附後
人情今日有無間
青門雨送歸行色
白酒風吹上別顏
相見去留終不改
祇應同里與南山

嶽廟齋宮與崔伯憲都官王正甫殿丞飲別二君
各以詩送行席上作短篇奉荅

鄉人分散幾流萍長樂坡頭已涕零太華相逢聊永日
故交漸少似殘星別杯猶恨樽前緩詩筆那容席上停
車馬東西從此隔明朝惟見亂山青

九月二十六日河上雪

昨朝今日盡天風九月長河雪片中雲外誰偷榆莢種
人間自滿菊花叢羣陰已鼓先時勇萬井應愁卒歲窮

亦欲蹇驢乘逸興
灞橋何處覓詩翁

祠部集卷八